

4 STATES
45 STORES

PREMIUM
MENSWEAR

SINCE 1989

Zedd®
STUDIO



Mega
Fashion
Festival

সম্পূর্ণ নতুন শোরুম নিয়ে
এখন দিনহাটা-তে

₹২৪৯৯ এর উপরে কেনাকাটা করলে থাকছে আকর্ষণীয় উপহার!

শার্ট | টি-শার্ট | জিন্স | ট্রাউজার | স্যুট | ব্লেজার | কুর্তা | এক্সেসরিজ

উত্তর বাংলায় আমাদের শোরুমগুলির ঠিকানা: আলিপুরদুয়ার (মারোয়াড়ি পটি, ☎ 9641959183) • বালুরঘাট (লেনিন সরণি, ☎ 8250372326) • চাঁচল (গ্রামপঞ্চায়েতের বিপরীতে, ☎ 9563830613) • কোচবিহার (রূপ নারায়ন রোড, ☎ 9434483972) • দিনহাটা (রংপুররোড, ☎ 7550873144) • গঙ্গারামপুর (তপন রোড, ☎ 8918728148) • জলপাইগুড়ি (দিনবাজার, ☎ 7718500713) • মালদা (নেতাজি মোড়, ☎ 8515874493) • রায়গঞ্জ (উকিলপাড়া, ☎ 8250145850) • শিলিগুড়ি (বিধান রোড, ☎ 9641046066) • তপন (মোহন টকিজ সিনেমা হলের নিকটে, ☎ 9832754769)

SCAN TO FIND STORES



FOR FRANCHISE ENQUIRY, VISIT: ZEDDSTUDIO.IN/FRANCHISE OR CALL – +918825176620

✉ info@zeddstudio.in | 🌐 www.zeddstudio.in | 📱 /zeddstudio.in



আগুনে ক্ষতিগ্রস্ত ঘর।

পশ্চিম ফালাকাটায় ভস্মীভূত ঘর

ফালাকাটা, ২৭ মার্চ :
বৃহস্পতিবার ভস্মীভূত হয়ে গেল একটি শোয়ার ঘর। অল্পের জন্য রক্ষা পেয়েছে গবাদিপশু। সকালে ঘটনাটি ঘটে পশ্চিম ফালাকাটার এসএসবি ক্যাম্পের মোড় এলাকায়।
পুরসভার ১৮ নম্বর ওয়ার্ডের বাসিন্দা সুনীল বিশ্বাসের বাড়িতে এদিন সকালে আচমকা দাউদাউ করে আগুন ছুটে দেখেন প্রতিবেশীরা। ছুটে আসেন তারা। খবর দেওয়া হয় দমকলে। পরে ফালাকাটা দমকলকেন্দ্র থেকে একটি ইঞ্জিন গিয়ে আগুন নিয়ন্ত্রণে আনে।
বাড়ির মালিক সুনীল বিশ্বাস বলেন, 'সকালে জমিতে কাজে যাই। স্ত্রী তখন রান্নাঘরে ছিলেন। কিন্তু হঠাৎ শুন শোয়ার ঘরে আগুন লেগেছে। ছুটে এসে দেখি সব শেষ। চোখের সামনে ঘরটি ছাই হয়ে গেল। নগদ সহ সবকিছু মিলে ৩ লক্ষাধিক টাকার ক্ষতি হয়েছে।'

এলাকার কাউন্সিলার তাপস গুহ বলেন, 'ক্ষতিগ্রস্ত পরিবারটিকে প্রাথমিকভাবে আমরা ত্রিপুর, চাদর দিয়ে সাহায্য করেছি। চেয়ারম্যানের সঙ্গে কথা বলে আরও কীভাবে সাহায্য করা যায়, তা দেখছি।'
সকাল ৯টা নাগাদ সুনীলের বাড়িতে এই অগ্নিকাণ্ড ঘটে। শোয়ার ঘরের ভেতরে থাকা আসবাব, বাসনপত্র, একটি সাইকেল, মোটর সহ নগদ প্রায় ১০ থেকে ১৫ হাজার টাকা পুড়ে যায়। স্থানীয়রা আগুন কিছুটা নিয়ন্ত্রণে আনেন। তবে দমকল এসে আগুন পুরোপুরি নিভিয়ে ফেলে। আগুন লাগার বিষয়ে বাড়ির মালিক তেমন কিছু জানাতে না পারলেও দমকলের প্রাথমিক অনুমান, শর্টসার্কিট থেকেই এই কাণ্ড ঘটতে পারে।

হাসপাতালে কলের পাশেই আবর্জনা

জল ভরতে বমি হওয়ার জোগাড়

দামিনী সাহা



জেলা হাসপাতালে জলপান করতে এই কলই ভরসা। -আয়ুধান চক্রবর্তী

আলিপুরদুয়ার, ২৭ মার্চ : সুস্থ হওয়ার আশায় রোজ বহু মানুষ আলিপুরদুয়ার জেলা হাসপাতালে ভিড় করেন। সকাল থেকেই রোগী ও তাঁদের আত্মীয়দের ব্যস্ততা বাড়ে। ফলে গরমের দিনে হাসপাতালের জলের কলের সামনে ভিড় জমবে তাতে আশ্চর্য কী! তবুও কলের সামনে পৌঁছে আশ্চর্য হতেই হল। সরকারি হাসপাতালের পানীয় জলের কলের পাশেই ছড়িয়ে আছে পচা ভাত, মাছের কটা, বাসি তরকারি ও প্লাস্টিক। ঠিক তার পাশেই রয়েছে খোলা বড় নর্দমা। সেখানের নেংরা জল থেকে দুর্গন্ধ বেরোচ্ছে। এরকম পরিস্থিতিতেই হাসপাতালে ভর্তি থাকা রোগীদের জন্য রোজ পানীয় জল সংগ্রহ করছেন তাঁদের পরিজনরা। এমনকি নিজেরাও সেই জলই খাচ্ছেন। ফলে আলিপুরদুয়ার জেলা হাসপাতালের জল খেয়ে সুস্থ হওয়ার বদলে রোগীরা আরও অসুস্থ হয়ে পড়বেন না তো? সেই প্রশ্ন উঠছে।

সলসলাবাড়ির বাসিন্দা সুজাতা সাহার স্বামী হাসপাতালে ভর্তি রয়েছেন। বোতলে জল ভরতে গিয়ে বিরক্তি প্রকাশ করে সুজাতা বলেন, 'এখানে এসে দাঁড়ালেই বমি পেয়ে যায়। অথচ হাসপাতালে ভর্তি থাকা রোগীর জন্য জল নিতে হলে আমাদের এখানেই আসতে হবে। আর কোনও বিকল্প ব্যবস্থা নেই। তাই বাধ্য হয়ে এভাবেই জল নিতে হচ্ছে।'

সমস্যা নিয়ে ওয়াকিবহাল চিকিৎসক, নার্স, স্বাস্থ্যকর্মীরাও হাসপাতালের এক চিকিৎসক বলেন,

'পানীয় জল যদিও পরিষ্কৃত, কিন্তু আশপাশের অপরিচ্ছন্ন পরিবেশের কারণে সহজেই জীবাণু ছড়িয়ে পড়তে পারে। অনেকে নিজের বোতল খুয়ে জল ভরেন না। ফলে বোতলের মুখ থেকেও সংক্রমণ ছড়ানোর ঝুঁকি থাকে।' অভিযোগ, পানীয় জলের কলের সামনে বাসনও ধুলে সেই জল গড়িয়ে নর্দমায়ে পড়ে। তার সঙ্গে উচ্ছিন্ন চারপাশে ছড়িয়ে যায়।

তবে সাধারণ মানুষ সচেতন না হলে যে এই সমস্যার সমাধান হবে না, সে কথাই উঠে এসেছে স্বাস্থ্যকর্মী থেকে শুরু করে সুপারের কথায়। একজন সিনিয়র নার্স বলেন, 'আমরা বহুবার রোগীর পরিজনদের এখানে খালা-বাসন খুঁতে বারণ করেছি। আশপাশ পরিষ্কার রাখতে অনুরোধ করি। কিন্তু কেউ কথা শোনেন না।' হাসপাতাল কর্তৃপক্ষও বিষয়টি নিয়ে কড়া পদক্ষেপ করছে না। ফলে পরিস্থিতি দিন-দিন আরও খারাপ হচ্ছে।

এ বিষয়ে হাসপাতাল সুপার ডাঃ পরিতোষ মণ্ডল বলেন,

'হাসপাতালের ভিতরে আবর্জনা ফেলার জন্য নির্দিষ্ট স্থান রয়েছে। কিন্তু বেশিরভাগ মানুষই সেগুলি ব্যবহার করেন না। প্রতিদিনই জায়গাটি পরিষ্কার করা হয়, তবুও একই অবস্থায় ফিরে আসে। সাধারণ মানুষ নিজেরা সচেতন না হলে সমস্যার সমাধান হবে না।'

এই অসচেতনতার ফল ভুগতে হচ্ছে কালচিনি থেকে আসা রমেশ গুণ্ডারদের মতো লোকদের। রমেশ হতাশ স্বরে বলেন, 'জল হয়তো পরিষ্কার রয়েছে কিন্তু জায়গাটি অপরিচ্ছন্ন। কিন্তু আমাদের তো আর কিছু করার নেই। হাসপাতালের অন্য কোথাও জল পাওয়া যায় না। রোগীকে জল কিনে খাওয়ানোর সমর্থ্য নেই। তাই বাধ্য হয়ে এখান থেকে জল সংগ্রহ করতে হয়।' একই মত সুমিত্রা বর্মন নামে আরেক রোগীর আত্মীয়ও। তাঁর প্রশ্ন, 'হাসপাতালের কলের আশপাশে এমন অবস্থা থাকা কি উচিত? যেখান থেকে জল নিচ্ছি সেখানে পচা ভাত আর আবর্জনা পড়ে রয়েছে।'

জরুরি তথ্য মজুত রক্ত

বৃহস্পতিবার বিকেল ৫টা অবধি

আলিপুরদুয়ার জেলা হাসপাতাল (পিআরবিসি)	
এ পজিটিভ	- ০
বি পজিটিভ	- ২
ও পজিটিভ	- ৫
এবি পজিটিভ	- ০
এ নেগেটিভ	- ৩
বি নেগেটিভ	- ০
ও নেগেটিভ	- ০
এবি নেগেটিভ	- ০
ফালাকাটা সুপারস্পেশালিটি হাসপাতাল	
এ পজিটিভ	- ১
বি পজিটিভ	- ১
ও পজিটিভ	- ১
এবি পজিটিভ	- ১
এ নেগেটিভ	- ০
বি নেগেটিভ	- ১
ও নেগেটিভ	- ০
এবি নেগেটিভ	- ০

কর্মশালা

আলিপুরদুয়ার, ২৭ মার্চ : বৃহস্পতিবার নতুন মূল্যায়ন পদ্ধতি নিয়ে প্রাথমিক শিক্ষকদের কর্মশালা হয়। এদিন নিখিলবন্দ প্রাথমিক শিক্ষক সমিতির উদ্যোগে আলিপুরদুয়ার শহরের বলাই মোড় এলাকায় অবস্থিত শ্রমিক কৃষক ভবনে এই কর্মশালাটি হয়। নতুন পদ্ধতিতে অনলাইন বা অফলাইন মূল্যায়ন ঠিক কীভাবে করা হবে, মূল্যায়নের পরে হলিস্টিক প্রগ্রস রিপোর্ট কার্ড কীভাবে তৈরি হবে সেই সমস্ত বিষয়ে জেলার ১২টি সার্কেলের প্রতিনিধিদের নিয়ে আলোচনা করা হয়।

উপস্থিত ছিলেন সংগঠনের জলপাইগুড়ি জেলা সভাপতি বিপিন রায়, আলিপুরদুয়ার জেলা সম্পাদক প্রসেনজিৎ রায় সহ অন্যান্য। প্রসেনজিৎ জানান, ১২টি সার্কেল থেকে প্রায় ৫০ জন শিক্ষক-শিক্ষিকা এই কর্মশালায় অংশগ্রহণ করেন।

ইদ উপলক্ষ্যে রসনায় সম্প্রীতির স্বাদ

সেমাই কিনছেন সাবিত্রী, দীপকরাও



বীরপাড়ায় সেমাই বিক্রি। -সংবাদচিত্র

মোস্তাক মোরশেদ হোসেন

বীরপাড়া, ২৭ মার্চ :
দোরগোড়ায় ইদ। বীরপাড়ায় সেমাইয়ের পসরা সাজিয়ে বসেছেন বিক্রেতারা। বৃহস্পতিবার রাতালিবাঞ্ছনার আনোয়ার হোসেনের সঙ্গে বীরপাড়ায় সেমাই কিনতে দেখা গেল ডিমডিমার সাবিত্রী বড়াইক, দীপককুমার ঘোষদের। সাবিত্রী বলেন, 'আমি সেমাই খেতে ভালোবাসি। প্রতি বছর ইদের বাজারে থেকে সেমাই কিনি। এবছরও কিনলাম।' আর বীরপাড়ার দীপকের কথায়, 'বছরভর বড় দোকানে ব্র্যান্ডেড সেমাই মিললেও ইদের বাজারেই ডিম স্বাদের সেমাই পাওয়া যায়। আমি দু'তিনদিন ধরে আলাদা আলাদা স্বাদের সেমাই অল্প অল্প করে কিনছি।'

এই সেমাইয়ের মূল উপাদান ময়দা। দুধে সেদ্ধ করে নিতে হয় সেমাই। মেশানো যেতে পারে কিশমিশ, বাদাম, খেজুর, চেরি। একসময় হস্তচালিত মেশিনে বাড়িতেই সেমাই তৈরি করতেন মহিলারা। তবে এখন বাজার দখল করেছে রেডিমেড সেমাই। মহম্মদ হায়দার, আমিরুল মিয়াঁরা ফল বিক্রেতা। ইদের বাজারে আমিরুল ফলের পাশাপাশি সেমাই বিক্রি করছেন। আর হায়দার তো ফল বিক্রি বন্ধ করে কেবল সেমাই বিক্রি করছেন। বীরপাড়ার বাজারে এখন নানা স্বাদের, নানা দামের সেমাইয়ের ছড়াছড়ি। কলকাতা, শিলিগুড়ি ছাড়াও বিহার, উত্তরপ্রদেশ থেকেও আনা হয়েছে আলাদা আলাদা স্বাদের সেমাই। আমিরুল বলেন, 'সেমাই

বিক্রিবাটা

বীরপাড়ায় মিলছে বেনারসি সেমাই থেকে শুরু করে বিহারের সেমাইও

গুণমান ভেদে সেসব সেমাইয়ে দাম আলাদা-আলাদা

অনেকে ইদ উপলক্ষ্যে পেশা বদলে হয়ে উঠেছেন সেমাই বিক্রেতা

সেই সঙ্গে সুরমা ও আতরের বিক্রিও ভালোই হচ্ছে

বেনারসের সেমাই। কেজি প্রতি ৩০০ টাকা দরে বিক্রি হচ্ছে ওই সেমাই। তবে সেটি লাছা সেমাই। আর বেনারসেরই লাছা সেমাই বিক্রি হচ্ছে ২৬০ টাকা কেজি দরে। লাছা সেমাই দেখতে মেয়েদের বড়সড়ো খোঁপার মতো। আর লাছা সেমাই কেমন দেখতে, সেটা তো নামেই স্পষ্ট। সেই বেনারসি সেমাইয়ে নাকি হালকা ঘিয়ের গন্ধ পাওয়া যায়। বলছেন খাদ্যরসিকরা। স্বভাবতই সজ্জাদের পছন্দ বেনারসের সেমাই।

কলকাতার সাধারণ সেমাই ২০০ টাকা এবং ফেনি সেমাই ২২০ টাকা দরে বিকোচ্ছে। শিলিগুড়িতে তৈরি গেরুয়া রঙের সেমাইয়ের কেজি প্রতি দর ১৫০ টাকা। বিহারের পাটনার সেমাই ২০০ টাকা, রাঁচির ১৫০ টাকা, কিশনগঞ্জের সেমাই ১৪০ টাকা কেজি প্রতি দরে বিকোচ্ছে। যে সেমাইয়ের দাম বেশি, সে সেমাই তত হালকা ও সরু। বেশিক্ষণ ফেটাতে হয় না।

সুরমা ২০ টাকা থেকে ৩০ টাকা, আতর ৫০ টাকা থেকে ১২০ টাকা দরে প্রতিটি বিক্রি হচ্ছে। বৃহস্পতিবার বাজারে এসেছিলেন রাতালিবাঞ্ছনার আনোয়ার হোসেন। বলেন, 'এদিন শুধু সেমাই আর কিছু কাপড়চোপড় কেনা হল। আরও কেনাকাটা বাকি।'

ইদ এবং নববর্ষ উপলক্ষ্যে আকর্ষণীয় অফার!

পুরোনো স্টকে

১০%-৭০%

পর্যন্ত ছাড়*

তাড়াতাড়ি করুন, স্টক সীমিত!

সত্যতার সাথে ঐতিহ্যের মেলবন্ধন

লক্ষ্মী নারায়ণ বস্ত্রালয়

কোচবিহার

বোর্ডের মূল চুক্তিতে ফিরছেন শ্রেয়স

গুরুত্বপূর্ণ বৈঠক কাল • রোহিতের বিলেত সফর নিয়ে ধোঁয়াশা

অরিন্দম বন্দ্যোপাধ্যায়



শ্রীর সঙ্গে ফ্রান্সে সময় কাটাচ্ছেন জাতীয় দলের কোচ গৌতম গম্ভীর। ছবি: ইনস্টাগ্রাম

কলকাতা, ২৭ মার্চ : চলছে আইপিএল। তার মধ্যেই ভারতীয় ক্রিকেট সংসারের ভবিষ্যৎ নিয়ে চোরাশোত বইছে।

সঙ্গে রয়েছে আগামীর লক্ষ্যে বিস্তারিত ভাবনা, জল্পনা ও পরিকল্পনাও। আর সেই ভাবনা ও পরিকল্পনা ফল কী হতে চলেছে, হয়তো স্পষ্ট হয়ে যাবে শনিবার। সেদিন গুয়াহাটীতে ভারতীয় ক্রিকেট কন্ট্রোল বোর্ডের হালফিলের সবচেয়ে গুরুত্বপূর্ণ বৈঠক হতে চলেছে সচিব দেবজিৎ সেইক্যার নেতৃত্বে। এমন এক বৈঠক, যাকে বলা হচ্ছে, ভারতীয় ক্রিকেট সংসারের আগামীর মাইলস্টোন বৈঠক। সেই বৈঠক শেষে হয়তো শুরু হবে নানা বিতর্কও।

মহিলা ক্রিকেটারদের জন্য বোর্ডের মূল চুক্তির তালিকা দিন কয়েক আগেই প্রকাশিত হয়েছে। কিন্তু ছেলোদের ক্রিকেটের মূল চুক্তির তালিকা কবে প্রকাশ করা হবে? জবাব আপাতত নেই। শনিবারের বৈঠকে তার দিশা মিলতে পারে। ভারত অধিনায়ক হিসেবে আইপিএলের পরই টিম ইন্ডিয়ায় পাঁচ টেস্টের বিলেত সফরে কি যাবেন রোহিত শর্মা? যদি তিনি না

যেতে পারেন, তাহলে লাল বলের ক্রিকেটে তার ভবিষ্যৎ কী হবে? রোহিত ইংল্যান্ড সফরের পাঁচ টেস্টে না গিয়ে দলের অধিনায়কের দায়িত্ব পালন করবেন কে? দলের সহ অধিনায়কের দায়িত্বই বা কে পাবেন? পুরুষদের ক্রিকেটে বোর্ডের মূল চুক্তিতে শ্রেয়স আইয়ারের ফেরা নিশ্চিত। কিন্তু ঈশান কিষানোর কী হবে? 'বাধ্য' ছেলের মতো শ্রেয়স-

ঈশান দুজনই ঘরোয়া ক্রিকেট খেলেছেন। শ্রেয়স ইতিমধ্যেই টিম ইন্ডিয়ায় সংসারে ফিরে এসেছেন। কিন্তু ঈশান ফিরতে পারেননি এখনও।

এখানেই শেষ নয়। শনিবারের মহা গুরুত্বপূর্ণ বৈঠকের অ্যাঞ্জেতা হিসেবে আরও একটি বিষয় রয়েছে। সৌজন্যে ভারতীয় দলের সাপোর্ট স্টাফ। বিসিসিআইয়ের

একটি সুত্রের দাবি সঠিক হলে, টিম ইন্ডিয়ায় সাপোর্ট স্টাফের তালিকায় কিছু রদবদল হওয়ার সম্ভাবনা প্রবল। দুবাইয়ে চ্যাম্পিয়ন্স ট্রফি জয়ের পর কোচ গৌতম গম্ভীর নয়া লাইফলাইন পেয়ে গিয়েছেন। তার সহকারী হিসেবে বোলিং কোচ মরনি মরকেলও থাকছেন। সমস্যা তৈরি হয়েছে অডিটর নায়ার ও সীতাংশু কোটাককে নিয়ে। দুজনের


প্রশ্নের ডালি

- লাল বলের ক্রিকেটে রোহিত শর্মার ভবিষ্যৎ কী হবে?
- রোহিত ইংল্যান্ডে পাঁচ টেস্টের সিরিজে না গিয়ে দলের অধিনায়ক হবেন কে?
- সহ অধিনায়কের দায়িত্বই বা কে পাবেন?
- 'বাধ্য' ছেলের মতো ঘরোয়া ক্রিকেট খেলার পর ঈশান কিষানোর ভবিষ্যৎ কী হবে?
- জাতীয় দলে সীতাংশু কোটাক ও অডিটর নায়ারের ভূমিকা এক হওয়ার কারণ কি চাকরি যাবে?
- ফিল্ডিং কোচ টি দিলীপেরও কি চাকরি যেতে পারে?

ভূমিকাই প্রায় এক। তাই কোনও একজনের চাকরি যেতে পারে বলে খবর। পাশাপাশি দলের ফিল্ডিং কোচ টি দিলীপকে নিয়ে ভারতীয় টিম ম্যানেজমেন্ট খুব একটা সন্তুষ্ট নয় বলেই খবর। দিলীপেরও চাকরি

যেতে পারে, এমন সম্ভাবনা ক্রমশ বাড়ছে। রাতের দিকে মুম্বই থেকে বিসিসিআইয়ের এক প্রভাবশালী কর্মী নাম না লেখার শর্তে উত্তরবঙ্গ সংবাদকে বলছিলেন, 'শনিবার গুয়াহাটীর বৈঠকে এককাক সিদ্ধান্ত হওয়ার সম্ভাবনা রয়েছে। যার প্রভাব ভারতীয় ক্রিকেটে সুদূরপ্রসারী হতে চলেছে।'

দুবাইয়ে চ্যাম্পিয়ন্স ট্রফির ফাইনালে ম্যান অফ দ্য ম্যাচ হয়েছিলেন অধিনায়ক রোহিত। তিনি ২০ জুন থেকে ইংল্যান্ডের লিডসে শুরু হতে চলা টিম ইন্ডিয়ায় বিলেত সফরে যাওয়ার ব্যাপারে কড়া আগ্রহী, তা নিয়ে রয়েছে ধোঁয়াশা। বোর্ডের একটি সুত্রের খবর, জাতীয় নিবন্ধক কমিটির প্রধান অজিত আগরকার হিটম্যানের সঙ্গে আলোচনা চালাচ্ছেন। রোহিত এখনও সিদ্ধান্ত চূড়ান্ত করেননি। হিটম্যান এখনও সিদ্ধান্ত নিতে না পারলেও বিরাট কোহলি নিশ্চিতভাবেই ইংল্যান্ড যাচ্ছেন। জুন-জুলাইয়ে নিখারিত থাকা ভারতের ইংল্যান্ড সফর কোহলির শেষ বিলেত সফর হতে চলেছে। কিন্তু সেই সফরে পাঁচ টেস্টের চ্যালেঞ্জ সামালানোর সময় রোহিতকে বিরাট পাশে পাবেন কিনা, সেটাই দেখার।



গুজরাট টাইটান্স ম্যাচের প্রস্তুতিতে হার্ডিক পাডিয়া। এবারের আইপিএলে মুম্বই ইন্ডিয়াপের প্রথম ম্যাচে নিবাসিত থাকার খেলা হয়নি তার।

ধোনির মন্ত্রেই সফল গুরুকেশ

চেন্নাই, ২৭ মার্চ : 'পরিস্থিতি যখন খুব কঠিন, তখন ঠান্ডা মাথায়, খুব সহজভাবে ভাবুন।' কোনও এক সাংবাদিক বৈঠকে কথাগুলো বলেছিলেন মহেন্দ্র সিং ধোনি। চৌধুরি খোপের লড়াইয়ে কঠিন চ্যালেঞ্জ সামালানোর সময় ক্যাপ্টেন কুলের এই মন্ত্রটিই মাথায় রাখেন ডোম্ভারাজু গুরুকেশ।

প্রতিনিধিত্ব করেন। তবে দুজনের মধ্যে আরও একটা যোগসূত্র রয়েছে। তারকা দাবাড়ু নিজের আদর্শ মনে করেন ধোনি।

কঠিন পরিস্থিতি কীভাবে সামলাতে হয়, চাপের মুখেও কীভাবে শান্ত থাকা যায়, কেমন করে ঠান্ডা মাথায় ম্যাচ বের করতে হয়, এসব ধোনির থেকে কে আর মতো জানেন। তাই অনেকের মতো গুরুকেশও এগুলো শেখেন মায়ের থেকেই। তারকা দাবাড়ু জানিয়েছেন, এমএসডি তাঁর আদর্শ, তাঁর অনুপ্রেরণা। মায়ের মন্ত্রেই সফল তিনি। তারকা দাবাড়ু বলছিলেন, 'ধোনি সত্যিই আমাকে অনুপ্রেরণা জোগান। আমি কোনও কিছুতেই খুব বেশি প্রতিক্রিয়া দেখাই না। বেশ ভালোই চাপ সামাল দিতে পারি। যা ধোনিকে দেখেই শেখা।'

একজন প্রকৃত অর্থেই ক্রিকেটে চ্যাম্পিয়ন অধিনায়ক। আরেকজন সর্বকনিষ্ঠ বিশ্বচ্যাম্পিয়ন দাবাড়ু। ধোনি ও গুরুকেশ, চেন্নাই নামটা জুড়ে রয়েছে দুজনের সম্বন্ধে। একজন জন্মসূত্রে চেন্নাইয়ের বাসিন্দা। অন্যজন চেন্নাই সুপার কিংসের সফলতম অধিনায়ক। সেই অর্থে দুজনেই চেন্নাইয়ের

খুব বেশি প্রতিক্রিয়া দেখাই না। বেশ ভালোই চাপ সামাল দিতে পারি। যা ধোনিকে দেখেই শেখা।' তাঁর বিশ্ব চ্যাম্পিয়নশিপ জয়ের ক্ষেত্রেও কীভাবে ধোনির অবদান রয়েছে তা জানিয়েছেন গুরুকেশ। টিপকে সাংবাদিকদের সামনে বসে গুরুকেশ বলছিলেন, 'যখনই কঠিন পরিস্থিতির সম্মুখীন হয়েছি, ভেবেছি ধোনি হলে এই পরিস্থিতি কীভাবে সামলাতেন। যেটা আমাকে সত্যিই খুব সাহায্য করেছে।'

স্বামী সমকামী, অভিযোগ সুইটির

চণ্ডীগড়, ২৭ মার্চ : কয়েকদিন আগে ভারতীয় বস্ত্রার সুইটি বোরা তাঁর স্বামী কাবাডি খেলোয়াড় দীপক হুডার বিরুদ্ধে নারী নিষেধনের অভিযোগ করেছিলেন। এবার নিজের স্বামীকে সমকামী বলে দাবি করেছেন এই ভারতীয় বস্ত্রার। সম্প্রতি সমাজমাধ্যমে একটি ভিডিওতে সুইটি বলেছেন, 'আমি বলতে বাধ্য হচ্ছি, আমার স্বামীর পুরুষদের প্রতি আগ্রহ রয়েছে। তাঁর সঙ্গে অন্য পুরুষদের ভিডিও দেখে নিজেই হতবাক হয়ে গিয়েছিলাম।'



সুইটি বোরা



দীপক হুডা

পক্ষ। সেইসময় আচমকা সুইটি তাঁর স্বামী দীপকের গলা চেপে ধরেন। অবশ্য পরিবারের বাকি সদস্যরা দুজনের আলাদা করেন।

আপুইয়ার চোট গুরুতর নয়

নিজস্ব প্রতিনিধি, কলকাতা, ২৭ মার্চ : আপুইয়াকে নিয়ে কিছুটা স্বস্তির বাতাস বাগান শিবিরে। বাংলাদেশের বিরুদ্ধে বিশ্বকাপের বাছাই পর্বের ম্যাচ খেলেতে গিয়ে বাঁ পায়ের গোড়ালিতে চোট পেয়েছিলেন তিনি। কলকাতায় ফেরার পর তাঁকে পরীক্ষা করেছে মোহনবাগান সুপার জায়েন্টের মেডিকেল টিম। জানা গিয়েছে, আপুইয়ার চোট গুরুতর নয়। তাঁকে আইএসএলের প্রথম লেগে খেলানোর চেষ্টা করছে মোহনবাগান টিম ম্যানেজমেন্ট। এদিন অনুশীলন শুরুর আগে বেশ কিছুক্ষণ কথা

বলেন বাগান কোচ হোসে ফ্রান্সিসকো মোলিনা।

বৃহস্পতিবার জাতীয় দলে থাকা ফুটবলাররা মোহনবাগান অনুশীলনে যোগ দেন। তাঁদের মধ্যে বিশাল ছাড়া বাকিরা কেউ মূল দলের সঙ্গে অনুশীলন করেননি। তাঁদেরকে বিশ্রাম দেওয়া হয়েছিল। মনবীর সিং, জেমি ম্যাকলারেন ও আলবার্তো রডরিগেজ প্রথমে দলের সঙ্গে অনুশীলন করলেও পরের দিকে সাইডলাইনে ফিজিকাল ট্রেনিং করলেন। তবে দলের সঙ্গে অনুশীলন করেছেন পর্তুগিজ ডিফেন্ডার নুনো রেইস।

টানা দ্বিতীয় জয় বাগানের

মুম্বই, ২৭ মার্চ : ডেভেলপমেন্ট লিগের জাতীয় পর্যায়ে টানা দ্বিতীয় জয় মোহনবাগান সুপার জায়েন্টের। বৃহস্পতিবার প্রথমে দ্বিতীয় ম্যাচে মুখ্য ফুটবল অ্যাকাডেমিকে ২-১ গোলে হারাল দেগি কাডেজোর মোহনবাগান।

এদিন ২০ মিনিটের মাথায় গোল করে সবুজ-মেরনকে এগিয়ে দেন ভিয়ান মুর্গাঁ। প্রথমার্ধ শেষ হওয়ার আগেই অবশ্য পেনাল্টি থেকে সমতা ফেরায় মুখ্যট এফএ। উলটোদিকে দ্বিতীয়ার্ধের শুরুতেই পেনাল্টি থেকে শিবাজিৎ সিংয়ের করা গোলে জয় নিশ্চিত করে মোহনবাগান।

FLAT

50%

OFF*

*ON WIDE RANGE

Baazar
Kolkata

Festive DOUBLE DHAMAKA

JUST ₹ 299

DOUBLE BEDSHEET
ON SHOPPING ₹ 999

IRON
ON SHOPPING ₹ 1499

DUFFEL BAG
ON SHOPPING ₹ 1999

*T&C Apply

